



- SENAT -

Broj: 01-15-1/22

Sarajevo, 12. 10. 2022. godine

Z A P I S N I K
SA 15. TEMATSKE SJEDNICE SENATA
UNIVERZITETA U SARAJEVU ODRŽANE 12. 10. 2022. GODINE

Prisutni članovi/ice Senata: prof. dr. Tarik Zaimović, prorektor za finansije (po ovlaštenju Rektora), prof. dr. Dubravka Pozderac-Lejlić, prof. mr. Faruk Lončarević, prof. dr. Erdin Salihović, prof. dr. Eldin Mehić (po ovlaštenju), Ahmet Alibašić, prof. dr. Jasmin Ahić, prof. dr. Sead Turčalo, prof. dr. Haris Alić, prof. dr. Ahmed Ahmić (po ovlaštenju), prof. dr. Arzija Pašalić, prof. dr. Elma Veljović (po ovlaštenju), prof. dr. Adnan Busuladžić (po ovlaštenju), prof. dr. Samir Dolarević, doc. dr. Oliver Jurišić (po ovlaštenju), prof. dr. Amina Valjevac, prof. mr. Ališer Sijarić, prof. dr. Sanela Rustempašić (po ovlaštenju), prof. dr. Vedad Falan (po ovlaštenju), prof. dr. Amila, Ždralović (po ovlaštenju), prof. dr. Nusret Drešković, prof. dr. Mirjana Gojkov-Vukelić (po ovlaštenju), prof. dr. Ahmet Lojo, prof. dr. Muhamed Smajlović, prof. dr. Kasim Bajrović (po ovlaštenju), dr. sc. Aladin Husić, prof. dr. Rasim Muratović, dr. sc. Jasmin Hadžić, dr. sc. Sedad Bešlija, prof. dr. Enra Mehmedika-Suljić (po ovlaštenju), mr. sc. Biljana Zarić (po ovlaštenju), prof. dr. Emir Tahirović, te predstavnici Udruženja Studentski parlament Univerziteta u Sarajevu: Faruk Dević, predsjednik, Inela Subašić, Adi Hajrić (po ovlaštenju), Rijad Kaniža i Jasmin Fazlić.

Ostali prisutni/e: prof. dr. Dženana Husremović, prorektorica za nastavu i studentska pitanja, prof. dr. Dušanka Bošković, prorektorica za kvalitet, prof. dr. Mirza Dautbašić, prorektor za naučnoistraživački rad, te Kenan Filipović, generalni sekretar Univerziteta u Sarajevu.

Odsutni članovi Senata: Prof. dr. Jasmin Velagić, prof. dr. Izet Bijelonja, te Emin Zaimović i Damir Džubur, predstavnici Udruženja Studentski parlament Univerziteta u Sarajevu.

Sjednica je počela u 10:00 sati.

Utvrđeno je da od ukupno 41 člana/ice Senata sjednici prisustvuje 37 članova/ica Senata, od toga 13 članova/ica sa ovlaštenjem koje se nalazi u dokumentaciji Senata.

Sjednicom je predsjedavao prof. dr. Tarik Zaimović, prorektor za finansije Univerziteta u Sarajevu, po ovlaštenju Rektora.

Jednoglasno je usvojen slijedeći

D N E V N I R E D:

1. Prijedlog kriterija za raspodjelu dodatnih sredstava u Budžetu Univerziteta za 2023. godinu
2. Prioriteti i smjernice Senata Univerziteta u izradi Kolektivnog ugovora za djelatnost visokog obrazovanja i nauke na Univerzitetu u Sarajevu
3. Informacije.

T O K S J E D N I C E:

Ad-1.

Prijedlog kriterija za raspodjelu dodatnih sredstava u Budžetu Univerziteta za 2023. godinu:

U skladu sa stavovima iznesenim u diskusiji u kojoj su učestvovali: prof. dr. Nusret Drešković, prof. dr. Arzija Pašalić, prof. mr. Ališer Sijarić, prof. dr. Tarik Zaimović, prof. dr. Faruk Lončarević, gđa. Biljana Zarić, jednoglasno je donesen slijedeći

Z A K L J U Č A K

1. Utvrđuju se kriteriji za raspodjelu dodatnih sredstava u Budžetu Univerziteta za 2023. godinu, kako slijedi:
 - a. materijalni troškovi,
 - b. osnovna plaća koja obuhvata troškove napredovanje na godišnjoj razini, kao i troškove odobrenih i realizovanih zapošljavanja i
 - c. ugovorene usluge vezane za realizaciju nastavnog procesa.
2. Dodatna sredstva neophodna za plaćanje rada preko optimalne nastavne norme zaposlenika članica Univerziteta u skladu sa odredbama Kolektivnog ugovora za djelatnost visokog obrazovanja i nauke na Univerzitetu u Sarajevu, kao i troškove angažmana nastavnika i saradnika sa drugih članica Univerziteta, neophodno je prikazati kao poseban/izdvojen iznos zahtjeva za dodatnim sredstvima iz Budžeta Kantona Sarajevo za 2023. godinu.
3. Oslonom na utvrđene kriterije iz tačke 1. ovog Zaključka obavezuju se članice Univerziteta u Sarajevu da, najkasnije do 19. 10. 2022. godine, resornom prorektoratu za finansije Univerziteta dostave revidirane prijedloge dodatnih sredstava iz Budžeta Kantona Sarajevo za 2023. godinu.

Ad-2.

Prioriteti i smjernice Senata Univerziteta u izradi Kolektivnog ugovora za djelatnost visokog obrazovanja i nauke na Univerzitetu u Sarajevu:

U skladu sa stavovima iznesenim u diskusiji u kojoj su učestvovali: prof. dr. Arzija Pašalić, prof. dr. Sead Turčalo, prof. dr. Tarik Zaimović, prof. dr. Ahmet Lojo, prof. mr. Ališer Sijarić, prof. dr. Nusret Drešković, jednoglasno su doneseni slijedeći

ZAKLJUČCI

1. Imajući u vidu da je Kolektivni ugovor za djelatnost visokog obrazovanja i nauke na Univerzitetu u Sarajevu („Službene novine Kantona Sarajevo“, broj 13/21) potpisan 26. marta 2021. godine, oslonom na period važenja istog u narednom periodu slijede radnje na usuglašavanju novog teksta Kolektivnog ugovora. S tim u vezi, prilikom izrade novog teksta Kolektivnog ugovora neophodno je uzeti u obzir odredbe novog Zakona o visokom obrazovanju („Službene novine Kantona Sarajevo“, broj 36/22) - (dalje u tekstu: ZVO) i propise koji regulišu oblast rada primijeniti u cjelini jednako na sve kategorije osoblja zaposlenih na Univerzitetu u Sarajevu, kao jednom pravom licu. Uvažavajući naprijed navedeno, Senat Univerziteta u Sarajevu utvrđuje po određenim oblastima sljedeća otvorena pitanja:
 - a) Utvrditi da se odredbe Kolektivnog ugovora koje utvrđuju obaveze radnika Univerziteta, iz kategorije akademskog (nastavnog) i naučnoistraživačkog osoblja odnose samo na realizaciju nastavnog procesa prvog i drugog ciklusa studija, te integrisanog studija. S druge strane, dva pitanja vezana za realizaciju naučno-nastavnog procesa na trećem ciklusu studija, kao i akademskog, stručnog, specijalističkog, dualnog, interdisciplinarnog, transdisciplinarnog i multidisciplinarnog studija koji se realizuju u okviru visokoškolske ustanove samostalno ili sa drugom domaćom ili stranom visokoškolskom ustanovom, institucijom ili poslovnim subjektom, te ostalim aktivnostima vezanim za obavljanje poslova iz djelatnosti Univerziteta, a preciziranim u ZVO i Statutu Univerziteta, trebaju biti bliže uređena općim aktima Univerziteta u Sarajevu.
 - b) Uskladiti odredbe Kolektivnog ugovora koje reguliraju finansiranje osnovne djelatnosti Univerziteta i vlastite prihode Univerziteta sa odredbama ZVO.
 - c) Uskladiti vrijednosti koeficijenta za obračun plaća radnicima Univerziteta iz kategorije nenastavnog osoblja sa ostalim korisnicima Budžeta Kantona Sarajevo.
 - d) Izvršiti prepoznavanje dodatne složenosti kod utvrđivanja vrijednosti koeficijenta za obračun plaća u zajedničkim službama Univerziteta. ZVO utvrđuje nadležnost i ulogu zajedničkih službi Univerziteta. Konkretnije članom 143. ZVO utvrđuje se da u okviru visokoškolske ustanove, zajedničke službe ustanove obavljaju stručne, administrativne i tehničke poslove koji su od interesa za ustanovu i članicu u skladu sa ovim ZVO, statutom i drugim općim aktima ustanove. U skladu sa odredbama Jedinственог pravilnika o radu Univerziteta u Sarajevu stručne službi Rektorata Univerziteta, kao zajedničke službe Univerziteta predstavljaju glavne nosioce aktivnosti i koordinacije u okviru različitih stručnih službi članica Univerziteta, što podrazumijeva i pojačanu odgovornost i ulogu u ukupnom radu i razvoju Univerziteta. Dakle, napravljena je jasna distinkcija u pogledu značaja i odgovornosti službi koje obavljaju poslove od zajedničkog interesa za Univerzitet u cjelini, odnosno za sve članice Univerziteta, budući da djelokrug rada stručnih službi Rektorata Univerziteta ne obuhvata samo poslove Rektorata Univerziteta već Univerziteta kao cjeline.
 - e) Precizirati da se rad preko optimalne nastavne norme do određenog procenta osnovne plaće obavezno finansira iz sredstava Budžeta Kantona Sarajevo, kao i instrumente za osiguranje ovih sredstava od strane Osnivača.

- f)** Precizirati koji je maksimum iznosa osnovne neto plaće člana akademskog osoblja koji se može ostvariti za rad preko optimalne nastavne norme te izvor iz kojih će se taj rad platiti. Trenutnim odredbama Kolektivnog ugovora nije utvrđen maksimalan iznos uvećanja osnovne plaće po osnovu rada preko optimalne norme, te je navedeno da se sve preko 20% finansira iz vlastitih prihoda. Obzirom da su danas vlastiti prihodi članica namjenskog karaktera, kao i da mnoge članice Univerziteta imaju zanemarljive vlastite prihode - odnosno da su vlastiti prihodi programskog/projektnog karaktera i da članice više nemaju nenamjenskih vlastitih prihoda - plaćanje rada preko optimalne nastavne norme iz vlastitih prihoda nije provodiv način ni za jednako postupanje niti za valorizaciju rada na različitim članicama. U isto vrijeme, shodno karakteru ukupnih odnosa, kao i činjenici da su prihodi od školarina prvog i drugog ciklusa studija, te integrisanog studija prelaskom na poslovanja putem Jedinственog računa Trezora Kantona Sarajevo prihodi budžeta Kantona Sarajevo, troškovi realizacije nastavnog procesa uključujući i rad preko norme predstavljaju obavezu Osnivača koja se mora preciznije definisati odredbama Kolektivnog ugovora.
- g)** Neophodno je precizirati način, obim i izvore za valorizaciju/plaćanje rada odnosno angažmana akademskog osoblja u realizaciji nastavnog procesa na drugoj članici u okviru Univerziteta, s obzirom da preko 250 nastavnika i saradnika svakodnevno učestvuju u realizaciji nastavnih aktivnosti na drugim članicama Univerziteta. Ovdje se posebno mora voditi računa o tome da ovi nastavnici učestvuju u realizaciji nastavnog procesa prvog i drugog ciklusa studija, te integrisanog studija - te bi ova obaveza u cijelosti trebala biti obaveza Osnivača.
- h)** Precizirati način, obim i izvore za valorizaciju/plaćanje rada naučnoistraživačkog osoblja (zaposlenici naučnoistraživačkih instituta) članica Univerziteta u nastavnom procesu na prvom i drugom ciklusa studija, te integrisanom studiju na Univerzitetu u Sarajevu.
- i)** Precizirati da se dodaci na plaću, naknade i ostali oblici plaćanja po osnovu angažmana nastavnog, naučnoistraživačkog i nenastavnog osoblja u realizaciji akademskog, stručnog, specijalističkog, interdisciplinarnog, transdisciplinarnog i multidisciplinarnog studija koji se realizuju u okviru visokoškolske ustanove samostalno ili sa drugom domaćom ili stranom visokoškolskom ustanovom, institucijom ili poslovnim subjektom, te prihodi od realizacije projekata, nastavno-naučenog procesa na trećem ciklusu studija, realizacije zdravstvene i veterinarske djelatnosti, te pružanja intelektualnih, stručnih i drugih usluga - a u skladu sa odredbama člana 25. i 27. ZVO utvrđuju općim aktima Univerziteta. Ovi dodaci, naknade i ostali oblici plaćanja ne mogu biti predmetom odredbi Kolektivnog ugovora s obzirom da se isti finansiraju iz vlastitih prihoda Univerziteta ili članica.
- j)** Osigurati radnicima Univerziteta (akademskom, naučnoistraživačkom i nenastavnom osoblju) uvećanje osnovne plaće za rad na poslovima sa povećanim rizikom (opasne materije, hemijske, biološke i fizičke štetnosti, te biološke štetnosti).
- k)** Osigurati mogućnost za uvećanje osnovne plaće za akademsko i naučnoistraživačko osoblje u obavljanju poslova koji zahtijevaju posebnu složenosti poslova (nastava na nekim od stranih jezika i sl.).

- l)** Precizirati uvećanje plaće za radnike iz kategorije nenastavnog osoblja za obavljanje poslova koji zahtijevaju posebnu složenosti poslova (rad u zajedničkim službama, obavljanje radnih zadataka više sistematiziranih radnih mjesta i sl.).
- m)** Utvrditi funkcionalne dodatke na plaću za obavljanje rukovodnih, organizacionih i koordinacijskih poslova rukovodilaca podorganizacionih jedinica Univerziteta i članica ukoliko dolaze iz kategorije akademskog i naučnoistraživačkog osoblja izabranog na Univerzitetu.
- n)** U skladu sa Preporukom Institucije ombudsmena/ombudsmena za ljudska prava BiH, broj P-194/22 od 01.07.2022. godine, a u vezi sa izjavljenim žalbama Ž-SA-04-415/22 i Ž-SA-06-416/22, potrebno je odvojiti funkcionalne dodatke od osnove plaće kroz utvrđivanje posebnog koeficijenta za obavljanje rukovodnih, organizacionih i koordinacijskih poslova.
- o)** Precizirati da se osnovna plaća zaposlenika iz kategorije nenastavnog osoblja može uvećati za uvećan obim posla uslijed odlaska radnika u penziju ili raskida radnog odnosa ukoliko se radi o sistematiziranim radnim mjestima.
- p)** U kategoriji nenastavnog osoblja utvrditi mogućnost prijema pripravnika i lica za stručno osposobljavanje bez zasnivanja radnog odnosa.
- q)** Utvrditi ostale vidove naknada koje omogućavaju poslodavcu da u skladu sa finansijskim mogućnosti može odobriti isplatu posebnih naknada za državne i vjerske praznike, te drugim slučajevima.
- r)** Voditi računa o obimu utvrđenih prava radnika koje će regulirati ovaj Kolektivni ugovor, uzimajući u obzir kolektivne ugovore iz oblasti obrazovanja ili drugih srodnih oblasti, koji su na snazi na različitim nivoima vlasti u Bosni i Hercegovini.
- s)** Prethodno utvrđivanju obaveza u Kolektivnom ugovoru - a koje se finansiraju iz vlastitih prihoda članica, potrebno je obavezno prirediti i procjenu fiskalnog uticaja koji će potvrditi da se utvrđene obaveze mogu finansirati od strane svih članica Univerziteta jednako i bez diskriminacije, posebno imajući u vidu da su vlastiti prihodi članica namjenskog karaktera i da mnoge članice Univerziteta imaju zanemarljive vlastite prihode, kao da su vlastiti prihodi programskog/projektnog karaktera i da više praktično ne postoje nenamjenski vlastiti prihodi.
- t)** Da Udruženje „Sindikat Univerziteta u Sarajevu“ ne nameće posebnu ulogu u upravljanju procesom zapošljavanja obzirom da je odredbama Zakona o radu Federacije BiH, Zakona o visokom obrazovanju, kao i Statuta Univerziteta pitanje zapošljavanja u nadležnosti rektora i dekana, te da rektor/dekani imaju zakonom utvrđenu obavezu i odgovornost voditi računa o kadrovskoj popunjenosti u skladu sa utvrđenom sistematizacijom radnih mjesta, kao i dinamičkom potrebama članica iz svoje nadležnosti.
- u)** Da se odredbama Kolektivnog ugovora ne utvrđuju „nazivi“ općih akata Univerziteta, kao i nadležnosti tijela Univerziteta, obzirom da su nadležnosti tijela Univerziteta, Senata i Upravnog odbora Univerziteta, utvrđene odredbama ZVO.

2. Uzimajući u obzir svojstvo Univerziteta i njegovih članica kao budžetskih korisnika i ulogu Vlade Kantona Sarajevo, Senat Univerziteta u Sarajevu naglašava da su njegovi prioriteti usmjereni na poboljšanje uvjeta i rješavanje potreba radnika Univerziteta, te s tim u vezi predlaže organiziranje zajedničkog sastanka sa članovima Centralnog odbora Udruženja „Sindikata Univerziteta u Sarajevu“ i članovima pregovaračkog tima Vlade Kantona Sarajevo na kojem bi se razgovaralo o otvorenim pitanjima bitnim za nesmetani rad Univerziteta.
3. Ovaj zaključak dostavlja se Udruženju „Sindikata Univerziteta u Sarajevu“ i članovima pregovaračkog tima Vlade Kantona Sarajevo.

Ad-3.

Informacije:

- Prof. dr. Mirza Dautbašić informisao je članove Senata o dosadašnjim aktivnostima na realizaciji i implementaciji naučnoistraživačkih/umjetničkoistraživačkih i istraživačko razvojnih projekata i programa iz Budžeta Kantona Sarajevo za 2021. godinu na Univerzitetu u Sarajevu. Ovom prilikom istakao je da je u Rektoratu Univerziteta u Sarajevu 10. 10. 2022. godine održan sastanak sa predstavnicima Razvojnog programa Ujedinjenih Nacija (UNDP), Ministarstva za nauku, visoko obrazovanje i mlade Kantona Sarajevo i Univerziteta u Sarajevu. Tom prilikom, predstavnici UNDP-a izrazili su spremnost za nastavak saradnje i načelnu saglasnost za potpisivanje novog Sporazuma o saradnji uz prijedloge za poboljšanja i doprinose UNDP-a u odnosu na Sporazum iz prethodne godine. Tom prilikom je istaknuto da je potrebno je u vidu imati i indirektne troškove kojim je izloženo sjedište UNDP-a i njegov Državni ured prilikom pružanja usluga podrške na upravljanju projektom i finansijskim doprinosom (*General Management Support – GMS fee*) u iznosu od 5%, a koji su bili predviđeni i postojećim ugovorom o saradnji. Dodatno, UNDP je iskazao potrebu za pokrivanjem troškova implementacije projekta (*Implementation fee*) u iznosu od 5% od ukupnih sredstava za nabavku roba i usluga (ili cca 100.000,00 KM za period od jedne godine), kako bi bili pokriveni troškovi angažmana osoblja UNDP-a koje će raditi na implementaciji novog Sporazuma, a s obzirom na činjenicu da će sa 31. 12. 2022. godine UNDP iscrpiti sve raspoložive resurse za ovu namjenu. Na održanom sastanku razmotreni su i detalji vezani za tekuće aktivnosti tima UNDP-a za nabavku roba i usluga po projektima iz 2021. godine.
- Prof. dr. Tarik Zaimović istakao je da Udruženje Studentski parlament Univerziteta u Sarajevu treba što hitnije delegirati svog predstavnika u Komisiju za usklađivanje Statuta Univerziteta u Sarajevu sa Zakonom o visokom obrazovanju („Službene novine Kantona Sarajevo“, broj 36/22).

Sjednica je završena u 12:00 sati.

P R O R E K T O R

Prof. dr. Tarik Zaimović, s.r.

Zapisničarka:

Alma Voloder-Madacki, s. r.